


اسٽيٽسٽا

نومرو ۷

۲۳ نشرين اول ۱۳۲۴



اسلامده

خدمات دينيه ووظائف ملكيه

آلتنجي نسخهء دن مابعد :

دوات اسلاميه ده ابتداد دفتر وديوان وضى ودفتر دار نصب و تعيينى حضرت
عمر ك ايام خلافتنه مصادف هجرت نبويه بك يكرمنجى سنه مى محرمنده واقع
اولمشدر . سبى شودر : زمان خلافت فاروقيه «بحرين» عاملى بولنان ابو مبره
حضرتلى اورادن تحصيل ايلديكى اموال وافر ايله مركر خلافته كئشىدى ،
اموال واردهك كئرتندن نائى بين المسلمين تقسيم و توزيى محاسبه به محتاج ايدى ،
حالبوكه صحابه كرام حساب ايله مألوف بولمقد قلدن امر تقسيم دوچار اشكال
اولمشيدى . بونك اوزرينه كبار اصحابدن خالد بن وليد حضرتلى : ملوك
شامك اموال واسامى عساكرى دفتره قيد ايدوب ضبط استكلى حضرت
عمره حكايه ايله حكومت اسلاميه ده دى ديوان ودفتر اصولى وضع ايدلمنى
عرض ايتدى . خليفه حضرتلى خالدك رايى تقدير و تحسين ايدوب اول وجه
ايله ديوان ودفتر اصولى وضع ايدى . قريش محاسبندن عقيل بن ابى طالب ،
محرمه بن نوفل ، جبير بن مطعم نام ذاتلى ديوان ودفتر تحريريه مأمور قلدى .
ديوان كلمسى دفتر اموال وعساكره و مجموعه اشعاره اطلاق اولنديكى كى دفتر
تحريرى ايچون كئتبه به مخصوص اولان مكانه دى ذكر حال اراده محل طريقه
اطلاق ايديلور ايدى . شمدى بوكه مجموعه اشعار ايله ديوان هايون ، ديوان
- استشاره -

عالی . دیوان محاسبات ، دیوان حرب کبی عالی و یامهم مواقع و مجالس معالزنده استعمال اولتور .

دیوان منشآت و تعبیر دیگرله منصب ریاست کتاب اول منصب ایدی که طرف سلطانیدن اقطار ممالک و ملوک جهانہ یازیلان اوامر ، مناشیر ، محررات بومقامدن یازیلور . و بومسندده بولنان ذاتہ « رئیس الکتاب » عنوانی و یریلور ایدی . مسند ریاست سرار دولتک محفظه سی و مرکز ایله امرا و ملوک اره سنده کی روابط حسنه ، مناسبات صیبه نک واسطه یکنانه سی اولوب حسن سیرتہ و علم و فضیلتہ پک احتیاجی بولندیغندن بونازک خدمتہ مکارم اخلاق ایله معروف و علم عرفان ایله موصوف ذواتک انتخابی خصوصنه پک اعتنا اولنور ایدی . بونکچون بومنصبه استحقاقده پک چوق شروط و قیود مرعی ایدی . بوشروطک بعضیلری بوجه آتی ذکر اولنور :

۱ نجی - کتم اسرار دولت، علی الخصوص شدائد و غوائل زماننده فرط صداقت ایله اکمال ناموس ملکه سی و کوشش ایتمکدر .

۲ نجی - فراست و کیاست ایله متحلی بولمقدرد، تاکه مبادی احوالندن عواقب اموره انتقال ایله اکاکوره تدابیر اتخاذ ایلسون، نامعقول بر حرکت ایله جسم دولته التیام ناپذیر یاره لر آچیلمسون .

۳ نجی - امور مستقبله احوال ماضیه نک اشباه و امثالی اولوب غائب حاضره و سابق لاحقه دلیل بولندیفی جهتله وقائع سالفه یه و علل و خفایاسنه وقوف تام بولمقدرد، تاکه بر حادثه ظهورنده آنک دفعنه وسیله اوله جق اموری استحضار ایچون او وقائمه و قوفدن متحصل ملکه ذهنیه کندینه راهبر اولسون . واقعا کارگاه عالمده ظهوره کان حادثات اخیره وقائع سالفه نک شکلاً و نوعاً عینی اولسه بیله هر برینک آیری آیری علل و اسبابی و بواطن و خفایاسی بولنه جنی کبی زمان و مکان حسبیه دفع و ازاله لرینک دخی بشقه و سائط و وسائل اوله جفندن کرچه اولکیلری حقنده متخذ تدابیر دائماً عینیه ایکننجیلرده یورودیله مزسده معافیله وقوف ماضی کوزل ملاحظه و تدبیرلره ارشاد ایدر .

۴ نجی - فنون، مقتضیه ده وبالخاصه اسرار فصاحت و بلاغته اطلاعده صاحب تکمل بولمقدرد، تاکه اومقامدن علم و دانش اوزرینه تأسیس و برشیوه ساحرانه ایله تصویر ایدلمش اولان محررات و خطابات، مقنع دلیل و حجتلری، نوع نوع مثال و شاهدلری، متین و مؤثر مضامین و مزایای، روح نواز فقرات طنانه سی ایله مرسل الیهارینی مخاطبلرینی مسلوب الاختیار ایلسون و بوندن مادی و معنوی حصوله کله جک صنوف منافع و فوائد ایله ملک و امت جهت جهت مستفید اولسون.

۵ نجی - ملاحظات ذاتیه، طمع و ارتشاء، نظار سلطنت و مأمورین دولتک وقع و حیثیتلرینی قدر و شانلرینی اخلال و وکیل و مأمور اولدقلری امور و مصالح عامه یی برباد و پریشان ایلدیکندن بو شأبه دن پاک دامن اولمقدرد.

شمعی دولت علیه عثمانیه ده بومنصبه خارجیه نظارتی دینلمکده در. مسما سی دخی بستیون دولتک امور و مصالح خارجیه سنه انحصار ایتشدرد. عصر حاضرده هر دولتک دول سائر ایله مناسباتی بشقه شکل المش و نیجه معلومات و معاملات حدوث ایلمشدر. بناء علیه بومقامده بولنه جق ذات شروط مذکوره ایله موصوف و علوم ضروریه و فنون کمالیه یه آشنا اولمقله برابر خاصه منسوب اولدینی دولتک احوال داخلیه سنه، تاریخنه، قوانین مملکته، بین الدول منعقد و جاری اولان معاهدات و مناسباته، حقوق بین الاممه، دیگر دولتک اصول اداره لرینه، تاریخ سیاسیه لرینه، احوال داخلیه لرینه، قوای عسکریه لرینه، اهالیسنک جنسیت و مذهب لرینه درجه میل و ارتباط لرینه و امثالی احواله و قوفده احاطه تامه سی بولمقی لایددرد. بومقام بر نفس ناطقه دولتدرکه دولت انکله خارجی ادراک و ادعان، انکله خارجه خطاب و بیان ایدرد.

قیادت اساطیل و تعبیر دیگر ایله مسند قیودان دریا اول مسند ایددی که ذکرده حرب و جهاد ایچون اعداد اولنان سفن سلطانیه و مرتباتک ترتیب و تنظیمه مأمور ایدی.

قیادت : لغته کودمک دیمکدر. اصطلاحده امر ایتمک، اداره و نظارت ایلمک معنا سنه در.

اساطیل: تحریف الیه سبیل تعبیر است دیگر «اسطول» که جمعی در سفائن حرب معنای مراد در. شمعی لری اسطول: دوغما، فیلو معنای شده اصطلاح اولش در که روی دریاده بر لکده کشت و گذار ایدن سفائن حربیه دیمکدر. «بارجه» دخی بیوک جنک کیسی معنای شده در، جمعی «بوارج» کلور.

عهد خلافت فاروقده ممالک مصر قبضه تسخیر اسلامه بچکده خلیفه حضرت تری مصر والیسی عمرو بن العاصه بر مکتوب کوندروب دگری توصیف ایتسی امر ایتدی. عمرو شو جوابی یازدی: دریا بر مخلوق عظیمه در که اکا بر مخلوق ضعیف بنر، کویاکه بر خشب اوزرنده بر قوردجغز [۱]

انسان ناکوانک دریا اوزرنده کشت و کداری بر قوری اناج اوزرنده بر دود حقیرک کر نمسنه تشبیه الیه دریانک عظمت و وسعتی یانده جسم انسانک بر ذره قدر قالدینی برایی که ایچنده نه قدر بلیغ نه قدر خوش تحیم ایتدیراش.

مضمون جواب معلوم خلیفه اولنجه، اوزمانلرده هنوز اهل اسلام رکوب بحر و انشاء سفن الیه مألوف اولدقلرندن و حالوکه افرنج و رومک اکثریسی سواحلده یتیشوب صنائع بحریه ده حذق و مهارت لری بولندیغندن اگر انزلله بحراً حرب ایدلسه مسلمینه غلبه لری محقق بولندیغنی تأمل و ملاحظه ایدرک رکوب بحردن منعی متضمن والی مشارالیه امرا کید اسطار بیوردی.

برکت زاده

اسماعیل حق

حق مداخله یا خود وظیفه عدم مداخله

دولت لری یکدیگرینه قارشی مساوی و مستقل اولمیدر، بو بر قاعده قاطعه حقوق بین المللدر که مؤلفرجه عموماً قبول اولونمشدر. . فی الحقیقه بر دولت ایچون استقلال محض اولاماز، چونکه هر "دولتک حریت حرکاتی دولت دیگرک استقلالنی تحدید ایلر. لکن انسانده جهان تمدنیه اساساً حراولقله برابر شخص

[۱] اصلی شودر: ان البحر خلق عظیم یرکه خلق ضعیف، دود علی عود.